

Ե Ր Գ Ա Ռ Ա Ն Ձ Ի Ն

Աստէն տեսանեմ, գոլ ինձ պարտ է օրէն
 Խօսիլ յասկապէս՝ զինչ ինչ եւս զինէն,
 Գէթ ընթերցողք իմ, համառօտօրէն:
 Ծանիցեն զո՛վ գոյ՛ եւ զճ.տիս ամէն:

1 Արդ՝ ծընեալ եմ ի թ^օուին փրկչի,
 Հազար եւ եօթն հարիւրորդի,
 Քառասներորդ եօթներորդի,
 Ի միջագէտս հուպ Տիգրիսի:

2 Այն է յԱմիթ շէն հրաշակերտ,
 Որ եւ ասի Տիգրանակերտ,
 Եղեալ քեռւոյս նախ աշակերտ,
 Որ նոյն Ամթայ էր հովուապետ:

3 Ծընողքս եկեալ ի Բաղիշոյ,
 Ի բուն իւրեանց իսկ հայրենւոյ,
 Բընակէին անդ ըստ մարդոյ,
 Վըտարանդւոյ լճօտարոտւոյ:

4 Քանզի Սեպուհ իշխանք կորդեաց,
 Որք տիրէին եւս Բաղիշեանց,
 Ձինեալ յաւէժ ընդդէմ միսեանց,
 Բ՞նակս առնէին տարագընաց:

5 Հայր իմ կոչիւր Քօսէնց Սահակ,
 Մայրս նուրափնեանց Մարթա զաւակ,
 Երկուքն իսկ լաւ բարուց ունակ,
 Չօրս գոյլել ինձ թէպէտ չէ հարկ:

6 Ձի Բաղիշեանց յայտ է համբուն,
 Թէ նուրափնեանց եւ Քօսէնց տուն
 Չիարդ էին յար բարեսուն
 Եւ ընչաւէտ եւ զարդարուն: